



МОНГОЛ УЛСЫН
ҮНДЭСНИЙ СТАТИСТИКИЙН ХОРООНЫ
ДАРГЫН ТУШААЛ

2021 оны 07 сарын 29 өдөр

Дугаар А/14

Улаанбаатар хот

Стратеги төлөвлөгөө батлах тухай

Монгол Улсын Статистикийн тухай хуулийн 12 дугаар зүйлийн 3 дахь хэсгийн 1, 15 дугаар зүйлийн 1 дэх хэсгийн 1 дүгээр заалт, Төрийн албаны тухай хуулийн 53 дугаар зүйлийн 53.1 дэх хэсэг, “Алсын хараа-2050” Монгол Улсын урт хугацааны хөгжлийн бодлого батлах тухай Улсын Их Хурлын 2020 оны 52 дугаар тогтоолын 1 дүгээр хавсралт, “Стратеги төлөвлөгөө боловсруулах, батлах, хэрэгжилтийг хангах журам” батлах тухай Засгийн газрын 2020 оны 216 дугаар тогтоол, “Стратеги төлөвлөгөө боловсруулах аргачлал” батлах тухай Засгийн газрын Хэрэг эрхлэх газрын даргын 2020 оны 100 дугаар тушаалыг тус тус үндэслэн ТУШААХ НЬ:

1.Статистикийн салбарын 2021-2025 оны стратеги төлөвлөгөөг хавсралтаар баталсугай.

2.Стратеги төлөвлөгөөг хэрэгжүүлэх ажлыг үе шаттайгаар зохион байгуулж, шаардагдах хөрөнгийг жил бүрийн төсөвт тусган ажиллахыг Тамгын газар /Б.Лхагва/-т үүрэг болгосугай.

3.Стратеги төлөвлөгөөний хэрэгжилтийн явцад 2 жил тутамд хяналт шинжилгээ, үнэлгээ хийж, хэрэгжилтийн тайланг танилцуулж байхыг Дотоод аудит, мониторингийн хэлтэс /Б.Саранчимэг/-т даалгасугай



Б.БАТДАВАА

142823100558

Үндэсний статистикийн хорооны даргын 2021
оны 7 сарын 29 өдрийн 14 дугаар
тушаалын хавсралт

СТАТИСТИКИЙН САЛБАРЫН 2021-2025 ОНЫ СТРАТЕГИ ТӨЛӨВЛӨГӨӨ

Нэг. Нийтлэг үндэслэл

Статистикийн тухай хуульд “албан ёсны статистикийн үзүүлэлтийг тооцох, тооллого, судалгаа явуулах талаар ойрын зорилтыг тодорхойлсон хөтөлбөрийг боловсруулж УИХ-аар батлуулах” гэсэн заалтын дагуу Үндэсний статистикийн хороо нь статистикийн салбарыг 2006-2010, 2011-2015, 2016-2020 онд хөгжүүлэх 3 удаагийн хөтөлбөрийг боловсруулан УИХ-аар батлуулж, хэрэгжүүлсэн.

Хөгжлийн бодлого төлөвлөлтийн тухай хуулиар Улсын Их Хуралд ажлаа шууд хариуцан тайлагнадаг байгууллагаас хөтөлбөр боловсруулж батлуулах бол дунд хугацааны буюу 10 жилийн хугацаанд хэрэгжих хөгжлийн зорилтот хөтөлбөр батлуулахаар хуульчилсан тул дараагийн шатны хөтөлбөрийг 10 жилийн хугацаатай боловсруулах шаардлагатай болсон.

Статистикийн тухай хуулийн 12 дугаар зүйлийн 3 дахь хэсгийн 1 дүгээр заалт “албан ёсны статистикийн үйл ажиллагааг мэргэжлийн төвлөрсөн удирдлагаар хангах, боловсронгуй болгох арга хэмжээ авах”, Төрийн албаны тухай хуулийн 53 дугаар зүйлийн 53.1 дэх хэсэг “Төсвийн ерөнхийлөн захирагч хууль тогтоомжид нийцүүлэн харьяа байгууллагын дөрвөн жилийн стратеги төлөвлөгөөг боловсруулан баталж, хэрэгжилтийг хариуцан зохион байгуулна.” гэж заасныг тус тус үндэслэн Засгийн газрын 2020 оны 216 дугаар тогтоолоор баталсан “Стратеги төлөвлөгөө боловсруулах, батлах, хэрэгжилтийг хангах журам” болон Засгийн газрын Хэрэг эрхлэх газрын даргын 2020 оны 100 дугаар тушаалаар баталсан “Стратеги төлөвлөгөө боловсруулах аргачлал”-ыг баримтлан Статистикийн салбарын 2021-2025 оны стратеги төлөвлөгөөг боловсруулсан.

Хоёр. Мандатын шинжилгээ

Мандатыг тодорхойлохдоо чиг үүргийн шинжилгээ хийж, Статистикийн салбарт шууд хамаарах 3 хууль, төрийн алба, төсөв санхүү зэрэгт хамаарах 16 буюу нийт 19 хуулийн хүрээнд болон салбарын байгууллагуудад бусад хуулиар олгосон чиг үүргийг хамруулан авч үзэн, дараах дөрвөн алхмын хүрээнд шинжилгээг хийсэн. Үүнд:

1. Хууль тогтоомжоор олгогдсон чиг үүргийг тодорхойлох;
2. Тухайн чиг үүргүүдийг үйл ажиллагааны чиглэлээр ангилах;
3. Салбар хоорондын болон засаглалын түвшин хоорондын холбогдогч талуудын оролцоог тодорхойлох;
4. Чиг үүргийн хэрэгжилтийн байдлыг тодорхойлох зэрэг ажлууд орсон.

Мандатын шинжилгээний үр дүнд ерөнхий чиг үүрэг 4, үндсэн чиг үүрэг 9, дэд чиг үүрэг 27-г тодорхойлж, доорх хүснэгтээр үр дүнг нэгтгэв:

Салбарын үйл ажиллагаанд мөрдөгдөж байгаа хуулийн тоо		19
Үүнээс:	Тухайн салбарын хуулийн тоо: 3	<ol style="list-style-type: none"> 1. Статистикийн тухай хууль; 2. Хүн ам, орон сууцны улсын тооллогын тухай хууль; 3. Хүн амын амьжиргааны доод түвшинг тодорхойлох тухай хууль.
	Нийтлэг мөрддөг хуулийн тоо:16	<ol style="list-style-type: none"> 1. Төрийн албаны тухай хууль; 2. Төрийн болон албаны нууцын тухай хууль; 3. Төсвийн тухай хууль; 4. Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай хууль; 5. Төрийн болон орон нутгийн өмчийн тухай хууль; 6. Хөгжлийн бодлого төлөвлөлт, түүний удирдлагын тухай хууль; 7. Хөдөлмөрийн тухай хууль; 8. Нягтлан бодох бүртгэлийн тухай; 9. Шилэн дансны тухай хууль; 10.Захиргааны ерөнхий хууль; 11.Байгууллагын нууцын тухай хууль; 12.Хувь хүний нууцын тухай хууль; 13.Зөрчлийн тухай хууль; 14.Монгол Улсын Засаг захиргаа, нутаг дэвсгэрийн нэгж, түүний удирдлагын тухай хууль; 15.Мэдээллийн ил тод байдал ба мэдээлэл авах эрхийн тухай хууль; 16.Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай.
Ерөнхий чиг үүрэг 1: Албан ёсны статистикийн үйл ажиллагааг нэгдсэн удирдлага, зохицуулалтаар хангах		
Үндсэн чиг үүрэг	Дэд чиг үүрэг	Хамтран хэрэгжүүлэх чиг үүрэг, оролцогчид
ҮЧҮ-1.Албан ёсны статистикийн үйл ажиллагааг мэргэжлийн төвлөрсөн удирдлагаар хангах, боловсронгуй болгох арга хэмжээ авах	1/Албан ёсны статистикийн үзүүлэлтийг тооцох, тооллого, судалгаа явуулах талаар ойрын зорилтыг тодорхойлсон хөтөлбөрийг боловсруулж, батлуулах	ҮСХ, АЁС-ийн мэдээллийг эрхлэн гаргадаг байгууллагууд
	2/Статистикийн үзүүлэлт, аргачлалыг олон улсын ангилал, аргачлал, стандартын жишигт нийцүүлэн гаргаж мөрдүүлэх;	ҮСХ, АЁС-ийн мэдээллийг эрхлэн гаргадаг байгууллагууд
	3/Улсын хэмжээний бүртгэл, мэдээллийн нэгдсэн арга зүйг холбогдох	ҮСХ, яамд, агентлагууд

	байгууллагуудтай хамтран тогтоож мөрдүүлэх;	
	4/Хүн ам, нийгэм, эдийн засгийн холбогдолтой асуудлаар улсын тооллого, нэг удаагийн бүртгэл, тодорхой сэдвээр түүвэр болон иж бүрэн судалгаа явуулах талаар холбогдох байгууллага, мэдээлэгчид удирдамж, чиглэл өгөх.	ҮСХ, харьяа байгууллагууд
	5/Захиргааны статистикийн мэдээллийг албан ёсны статистикийн мэдээлэлтэй давхардуулахгүй байх, арга зүйн нэгдмэл байдлыг хангах зорилгоор хянах, захиргааны статистикийн мэдээллийн үзүүлэлт, аргачлал, зааврыг батлах, зөвшөөрөх, мэдээллийн хамралт, үнэн зөв байдалд үнэлэлт өгөх;	ҮСХ, харьяа байгууллагууд
	6/Статистикийн талаар гадаад улс, олон улсын статистикийн болон төрөлжсөн бусад байгууллагын үйл ажиллагаанд идэвхтэй оролцох, тэдгээртэй Монгол Улсын хууль тогтоомж, олон улсын гэрээний дагуу хамтран ажиллах, тэдгээрт тус улсын эдийн засаг, нийгмийн холбогдолтой статистикийн мэдээллийг гаргаж өгөх;	ҮСХ
Ерөнхий чиг үүрэг 2: Албан ёсны статистикийн мэдээллийг эрхлэн гаргах		
ҮЧҮ-2. Статистикийн мэдээллийг цуглуулах	7/Албан ёсны статистикийн мэдээлэл, судалгаа, тооллогын үзүүлэлт, аргачлал, зааврыг батлах, мэдээлэх хугацааг тогтоох;	ҮСХ
	8/Албан ёсны статистикийн мэдээллийг тогтоосон хугацаанд статистикийн мэдээлэгчээс авах;	ҮСХ, АЁС-ийн мэдээллийг эрхлэн гаргадаг байгууллагууд
ҮЧҮ-3. Статистикийн мэдээллийг нэгтгэн боловсруулах, тооцоо, шинжилгээ судалгаа хийх	9/Улсын эдийн засаг, нийгмийн үзүүлэлтээр ойрын болон урт, дунд хугацааны тооцоо, загварчлал, шинжилгээ, судалгааны ажил хийх;	ҮСХ
ҮЧҮ-4. Статистикийн мэдээллийг олон нийтэд хүргэх, тархаах	10/Төрийн байгууллагуудыг статистикийн мэдээллээр үнэ төлбөргүй хангах;	ҮСХ, харьяа байгууллагууд
	11/Албан ёсны статистикийн мэдээллийн дэлгэрэнгүй үзүүлэлтэд Засгийн газар, түүний байгууллагуудын мэдээллийн хэрэгцээ, захиалгыг тусгаж, Засгийн газартай тохиролцсон хугацаанд тэдгээрт мэдээлэл, танилцуулгыг өгөх.	ҮСХ, харьяа байгууллагууд

	12/Засгийн газар, түүний байгууллагуудын цаг үеийн бодлого боловсруулах, төлөвлөлт, удирдлага зохицуулалт, хяналт шалгалтын ажилд шаардлагатай мэдээллийг бэлтгэж өгөх;	ҮСХ, харьяа байгууллагууд
	13/Статистикийн мэдээлэл, судалгааны үр дүнг хэрэглэгчдэд тараах, статистикийн мэдээллийн ил тод байдлыг хангах;	ҮСХ, харьяа байгууллагууд
	14/Статистикийн мэдээллийн хэрэглэгч нь албан ёсны статистикийн мэдээллийн дүнг өөрчлөн, олон нийтэд буруу ташаа мэдээлэх тохиолдолд албан ёсны тайлбар хийж, залруулах.	ҮСХ, харьяа байгууллагууд
ҮЧҮ-5. Статистикийн мэдээллийн чанарыг дээшлүүлэх	15/Статистикийн үйл ажиллагаа явуулахад нь аймаг, нийслэл, дүүргийн статистикийн газар, хэлтсийн дарга сумын холбогдох ажилтан, баг, хорооны Засаг дарга нарт удирдамж, чиглэл өгөх, хяналт тавих;	ҮСХ
	16/Хуулийн этгээдийн албан ёсны статистикийн мэдээллийн үнэн зөвийг шалгах, илэрсэн дутагдал, зөрчлийг арилгуулах арга хэмжээ авах замаар статистикийн мэдээллийн үнэн зөв, бодит байдлыг хангах.	ҮСХ, харьяа байгууллагууд
Ерөнхий чиг үүрэг 3: Статистикийн салбарын бодлого, хууль, эрх зүй, үйл ажиллагааны тайлагнал, хяналт-шинжилгээ, үнэлгээ		
ҮЧҮ-6. Хууль тогтоомжийн хэрэгжилтийг хангуулах	17/Салбарын хууль тогтоомжийн хэрэгжилтийг хангуулах, хууль тогтоомжийн хэрэгжилтийн үр дагаврыг тодорхойлох, хууль тогтоомжийг сайжруулах саналыг боловсруулах.	ҮСХ
	18/Салбарын хууль тогтоомжийн хэрэгжилтийг хангуулах чиглэлээр холбогдох сургалт, сурталчилгаа хийх.	ҮСХ, харьяа байгууллагууд
ҮЧҮ-7. Үйл ажиллагааны хяналт-шинжилгээ, үнэлгээ хийх	19/Стратеги төлөвлөлт, гүйцэтгэлийн төлөвлөгөө, үйл ажиллагааны хэрэгжилтийг зохион байгуулах, хяналт-шинжилгээ, үнэлгээ хийх, тайлагнах, төлөвлөх.	ҮСХ, харьяа байгууллагууд
Ерөнхий чиг үүрэг 4: Төрийн үйлчилгээний чанар, хүртээмжийг дээшлүүлэх, хүний нөөц, санхүү, технологийг үр ашигтай удирдах		
ҮЧҮ-8. Төрийн үйлчилгээний чанар, хүртээмжийг дээшлүүлэх	20/Төсвийн ерөнхийлөн захирагчаас бусад байгууллагатай харилцах, аймаг нийслэлийн Засаг дарга, статистикийн газар, хэлтсийн даргатай гэрээ байгуулах, явц үр дүнд хяналт тавих, дүгнэх;	ҮСХ, харьяа байгууллагууд болон бусад
	21/Салбарын болон салбар дундын байгууллагуудыг мэргэжил, арга зүйн	ҮСХ

	удирдлагаар хангах, үйл ажиллагааг уялдуулан зохицуулах;	
	22/Төрийн үйлчилгээний чанар, хүртээмжийг дээшлүүлэх, ил тод байдлыг хангах.	ҮСХ, харьяа байгууллагууд
ҮЧҮ-9. Хүний нөөц, төсөв, санхүү, технологийн болон бусад нөөцийг үр ашигтай удирдах	23/Салбарын хэмжээний мэргэжлийн боловсон хүчний чадавх, техник технологи, программ хангамжийн хүчин чадлыг сайжруулах асуудлыг нэгдсэн бодлого, төлөвлөгөөтэйгөөр хэрэгжүүлэх;	ҮСХ, СЯ болон бусад
	24/Салбарын хүний нөөцийн хөгжлийн хөтөлбөрийг боловсруулан хэрэгжүүлэх, хүний нөөцийг үр ашигтай удирдах;	ҮСХ
	25/Төрийн албан хаагчийн ажиллах нөхцөл, нийгмийн баталгааны хөгжлийн хөтөлбөрийг боловсруулж, хэрэгжүүлэх;	ҮСХ
	26/Төсөв, санхүү, хөрөнгө оруулалт, худалдан авалтыг хууль тогтоомжийн дагуу төлөвлөх, хэрэгжүүлэх, тайлагнах;	ҮСХ, харьяа байгууллагууд
	27/Шаардлагатай бусад нөөцийн судалгаа гаргах, нөөцийг үр ашигтай удирдах төлөвлөлт хийх.	ҮСХ, харьяа байгууллагууд

Гурав. Алсын хараа

Статистикийн мэдээллийн хэрэглэгчдийг чанартай тоон мэдээллээр хангаж, нотолгоонд суурилсан бодлого, шийдвэр гаргалтын залгамжийг тасралтгүй хадгалан, статистикийн чадавхаараа дэлхийд тэргүүлнэ.

Дөрөв. Эрхэм зорилго

Бид Монгол Улсын статистикийн мэдээллийг шинжлэх ухааны үндэслэлтэйгээр эрхлэн гаргаж, хэрэглэгчдэд адил тэгш үйлчилнэ.

Тав. Орчны шинжилгээ

Албан ёсны статистикийн хөгжлийн дэлхийн нийтлэг чиг хандлага, шинэчлэлд нийцүүлэн хууль, эрх зүйн орчныг болон мэдээллийг эрхлэн гаргах арга ажиллагаа, бүтэц, зохион байгуулалтыг оновчтой болгон сайжруулж, системийг бэхжүүлэх шаардлага тулгарч байна. Энэ хэрэгцээ, шаардлагын дагуу статистикийн салбарыг хөгжүүлэхэд анхаарах тулгамдсан асуудлуудыг нөхцөл байдлын шинжилгээ хийж тодорхойлов. Үүнд:

- *Статистикийн хууль, эрх зүй, зохицуулалтын орчныг сайжруулах нь тулгамдсан асуудал хэвээр байна.*

Төрийн байгууллагуудын статистикийн мэдээлэл цуглуулах, нэгтгэх, боловсруулах, дамжуулах үйл ажиллагаа мэргэжлийн түвшинд хийгдэхгүй байгаа нь мэдээллийн зөрүү, давхардлыг үүсгэж, улмаар уялдаа холбоогүй, чанаргүй, нэгдмэл бус байдлыг бий болгож

байна. Энэ нь нотолгоонд суурилсан, шинжлэх ухааны үндэслэлтэй бодлого, оновчтой шийдвэр гарахад хүндрэл учруулж байна.

Статистикийн тухай хуульд яамдын бүтцэд салбарын статистикийн үйл ажиллагаа эрхлэн гүйцэтгэх нэгжтэй байна гэж заасан байдаг ч одоогоор 14 яамнаас зөвхөн 6 яам статистикийн нэгжтэй байна. Өөрөөр хэлбэл, төрийн байгууллагуудын статистикийн чадавх сул, хүний нөөц тогтворгүй байгаа нь статистикийн үйл ажиллагааг нэгдсэн удирдлага, зохицуулалтаар хангахад сөргөөр нөлөөлж байна. Мөн статистикийн технологийн арга ажиллагааны бүх үе шатанд чанарын шалгуур үзүүлэлтүүдийг баримтлах шаардлагатай бөгөөд Статистикийн тухай хуульд энэ талаар тодорхой заалт байдаггүй.

➤ *Нотолгоонд суурилсан шийдвэр гаргалтад төрийн их өгөгдлийг статистикийн зорилгоор ашиглах шаардлагатай байна.*

Төрийн болон хувийн байгууллагуудад үүссэн мэдээллийн санг нэгтгэн төрийн мэдээллийн нэгдсэн сан байгуулан бүх түвшний бодлого, шийдвэр гаргалтад ашиглах асуудал тавигдаж байна. Үүнтэй уялдан мэдээллийн сангийн аюулгүй байдлыг хангах, ашиглах, ашиглуулах харилцааг зохицуулах хууль, эрх зүйн орчныг сайжруулах хэрэгцээ үүсэж байна. Түүнчлэн техник технологийн дэд бүтцийг хөгжүүлэх, орчин үеийн дэвшилтэт техник технологийг нэвтрүүлэх асуудал чухал байна.

➤ *Сум, баг, хороо, яам, агентлагийн түвшинд хүний нөөцийн тогтвор суурьшилгүй байдал, чадавх, орон тооны дутагдалтай байдал нь үндэсний статистикийн хөгжилд сөргөөр нөлөөлж байна.*

➤ *Үндэсний статистикийн хороо (ҮСХ)-ны төсвийн санхүүжилтийн хангалтгүй байдал нь салбарын чадавх болон мэдээллийн аюулгүй байдлыг эрсдэлд оруулж байна.*

ҮСХ-нд 2017-2020 онд нийт 42.6 тэрбум төгрөгийн төсөв хуваарилснаас 39.7 тэрбум төгрөгийг зарцуулсан байна.

Энэ хугацаанд нийгэм, эдийн засгийн тооллого, судалгааны ажлыг бүрэн зохион байгуулахад улсын төсвөөс гадна олон улсын 30 байгууллагын 7 тэрбум төгрөгийн төсөл, техникийн туслалцаа авсан нь нийт зарцуулсан зардлын 15 хувийг эзэлж байна.

Албан ёсны статистикийн үйл ажиллагаанд сүүлийн 7 жилийн хугацаанд зөвхөн нэг удаа (2020 онд 600.0 сая төгрөг) улсын төсвийн хөрөнгө оруулалт батлагдсан.

Хөрөнгө оруулалт, санхүүгийн дутмаг байдал нь тоног, төхөөрөмж, программ хангамжийг шинэчлэх, мэдээллийн нууцлал, аюулгүй байдлыг хангах, статистикийн үйл ажиллагааг орон нутагт хэвийн явуулах нөхцөл боломжийг алдагдуулж болзошгүй байна.

➤ *Үндсэн мэдээлэгч болох иргэн, аж ахуйн нэгж, байгууллагын ажилтны статистикийн мэдээллийн ач холбогдлын талаарх ойлголтыг сайжруулах шаардлагатай байна.*

Ойлголт дутуугаас статистикийн судалгаанд оролцохоос татгалзах, мэдээ, тайланг хугацаандаа өгөхгүй байх зэрэг нь мэдээллийн хамралт, чанарт сөргөөр нөлөөлдөг.

➤ *Ажилтнуудын ажлын ачааллыг бууруулах шаардлагатай байна.*

Монгол Улсын эдийн засаг өргөжиж, нийгмийн харилцаа тэлэх тутам статистикийн мэдээллийн эрэлт жилээс жилд нэмэгдэж, хамрах хүрээ өргөжиж байна. Үүнтэй уялдан ҮСХ-ны ажилтнуудын ажлын ачаалал эрс нэмэгдэж, мэдээллийн боловсруулалт, чанарт сөргөөр нөлөөлөх эрсдэлтэй байна.

Одоогийн байдлаар статистикийн төв, орон нутгийн байгууллагад нийт 320 албан хаагч ажиллаж байгаагаас ҮСХ-д 122, аймгийн статистикийн хэлтэст 129, нийслэл, дүүргийн статистикийн газар, хэлтэст 69 албан хаагч ажиллаж байна.

Салбарын хэмжээнд ажиллагчдын 10 орчим хувь нь жил бүр өөр салбарт шилжих, эсвэл өөрийн хүсэлтээр ажлаас гарсан хөдөлгөөнтэй байна. Статистикийн салбарын ажиллагчдын цалин хөлс, ажлын ачаалал, нийгмийн асуудлыг шийдвэрлэж чадахгүй байгаа нь хүний нөөцийн бодлого алдагдахад хүргэж байна.

Нөхцөл байдлын шинжилгээнээс гарч байгаа асуудлууд, тэдгээрийн шалтгаан, үр дагаврыг судалсны үндсэн дээр энэхүү стратеги төлөвлөгөөг статистикийн салбарын хууль, эрх зүйн орчныг боловсронгуй болгох, хүний нөөцийн хөгжлийг хангах, тогтвортой ажиллах нөхцөлийг бүрдүүлэх, статистикийн болон техник технологийн дэд бүтцийг хөгжүүлэх, тоо мэдээлэл гаргах арга, үйл ажиллагааг технологийн дэвшлийг ашиглан шинэчлэх, салбарын одоогийн хүрсэн түвшинг тогтвортой сайжруулах гол чиглэлээр боловсруулав.

ОРЧНЫ ШИНЖИЛГЭЭНИЙ ҮР ДҮНГ НЭГТГЭСЭН СВОТ ШИНЖИЛГЭЭ

ДОТООД ОРЧИН	
Давуу тал	Сул тал
<ul style="list-style-type: none"> • ҮСХ нь туршлагатай, мэргэшсэн албан хаагчидтай; • ҮСХ нь олон улсын байгууллагуудын нэр хүндтэй түнш; • Статистикийн тухай хуулиар ҮСХ нь бие даасан, хараат бусаар ажиллаж, албан ёсны статистикийн үйл ажиллагааг нэгдсэн удирдлага, зохицуулалтаар хангадаг. 	<ul style="list-style-type: none"> • Төсөв, санхүү, хөрөнгө оруулалт хязгаарлагдмал; • Статистикийн дэд бүтэц (бүртгэл, ангилал) өсөн нэмэгдэж буй хэрэгцээг хангахгүй; • Мэдээлэл цуглуулах өртөг өндөр; • ҮСС-д хамаарах байгууллагуудын статистикийн чадавх сул.
ГАДААД ОРЧИН	
Боломж	Эрсдэл

<ul style="list-style-type: none"> • Мэдээллийн технологийн хурдацтай хөгжлийг статистикийн үйл ажиллагааг боловсронгуй болгоход ашиглах боломжтой; • Хөгжлийн бодлого, төлөвлөлт сайжрахын хэрээр статистик мэдээллийн эрэлт хэрэгцээ өсөж байна; • Бодлого, шийдвэр гаргагчид статистикийн үйл ажиллагааг дэмждэг. 	<ul style="list-style-type: none"> • ҮСС-ийг шинэчлэх, их өгөгдлийг албан ёсны статистикт ашиглах хууль, эрх зүйн орчин дутмаг; • Яам, агентлагийн түвшинд бие даасан статистикийн нэгж цөөн байна; • Улсын төсвийн нөхцөл байдлаас шалтгаалж статистикийн салбарыг хөгжүүлэх төсөв, хөрөнгө оруулалт танагдах эрсдэлтэй; • Хөдөлмөрийн зах зээл дэх хүний нөөцийн өрсөлдөөнөөс шалтгаалж статистикийн болон мэдээллийн технологийн мэргэшсэн хүний нөөцөө алдахад хүргэж байна; • Тоног төхөөрөмж, программ хангамжийн шинэчлэл хийгдэхгүй байгаа нь мэдээллийн нууцлал, аюулгүй байдлыг алдагдахад хүргэж болзошгүй байна; • Магадлалт бус судалгаа хийдэг байгууллагын тоо олшрох нь албан ёсны статистик мэдээллийн ач холбогдол, түүнд итгэх итгэлийг бууруулж болзошгүй; • Хэрэглэгчдийн статистикийн боловсрол хангалтгүй (мэдээлэл ашиглах мэдлэг, ойлголт дутмаг);
---	--

Зургаа. Стратегийн зорилго

Статистикийн салбарын стратегийн зорилго нь шинжлэх ухааны үндэслэлтэй, чанартай статистикийн мэдээллийг эрхлэн гаргах, хэрэглэгчдэд адил тэгш үйлчлэхэд оршино. Тус зорилгын хүрээнд дараах зорилтуудыг хэрэгжүүлнэ.

- 1.Хууль эрх зүйн орчныг боловсронгуй болгох;
- 2.Хүний нөөцийн хөгжлийг хангах;
- 3.Дэд бүтцийг сайжруулах;
- 4.Статистикийн мэдээлэл эрхлэн гаргах ажиллагааг боловсронгуй болгох.

Стратеги төлөвлөгөөний үр дүнд бий болох статистикийн бүтээгдэхүүн, үйлчилгээ нь дараах үндсэн шалгуур, зарчмыг хангасан байна. Үүнд:

- Нэгдмэл байдлыг хангасан байх: ойлголт, тодорхойлолт нь шинжлэх ухааны үндэслэлтэй, олон улсын стандарт, арга зүйд нийцсэн байх, арга зүйн хувьд нэгдмэл байх;
- Харьцуулагдахуйц байх: олон улсын болон үндэсний түвшинд хүлээн зөвшөөрөгдсөн аргачлал, стандартыг мөрдөх;
- Бие даасан байдлыг хангасан байх: гаднын нөлөөлөлд автахгүй, мэргэжлийн бие даасан байх, статистикийн мэдээллийг цуглуулах, боловсруулах, тархаах, ялангуяа арга техник, тодорхойлолт, арга зүй, ашиглах эх үүсвэрээ сонгох, тархаалтын хэлбэр, цаг хугацааг статистикийн байгууллага хараат бусаар сонгож ашигласан байх;
- Чанарын өндөр түвшинг хангасан байх: цаг хугацаанд нь чанартай, уялдаатай, үнэн бодит мэдээллээр хэрэглэгчийг шуурхай хангах;
- Нууцлалыг бүрэн хангасан байх: статистикийн зорилгоор цуглуулсан хуулийн этгээд болон хувь хүний мэдээллийн нууцыг бусдад задруулахыг хориглох;
- Хэрэглэгчийн хэрэгцээнд нийцсэн байх: ашиглахад хялбар, тайлбарлаж болохуйц байх; боломжит бүх задаргааг хийсэн байх;
- Жендэрийн мэдрэмжтэй байх: статистикийн мэдээлэл цуглуулах, дүн шинжилгээ хийх, тархаах зэрэг бүх үйл ажиллагаанд жендэрийн асуудлыг хамтад нь авч үзэх.

6.1.Хууль эрх зүйн орчныг боловсронгуй болгох зорилтын хүрээнд хэрэгжүүлэх үйл ажиллагаа

Хууль эрх зүйн орчныг боловсронгуй болгох зорилт нь төрийн болон хувийн байгууллагуудад үүссэн мэдээллийн санг ашиглах харилцааг зохицуулах эрх зүйн үндсийг хангахад чиглэнэ. Энэ зорилтын хүрээнд дараах үйл ажиллагааг хэрэгжүүлнэ.

6.1.1.Олон улсын зөвлөмж, сайн туршлагад үндэслэн албан ёсны статистикийн бие даасан, хараат бус байдал, үйл ажиллагаатай холбоотой харилцааг зохицуулах өөрчлөлтийг Статистикийн тухай хуульд нэмж тусгах;

6.1.2.Статистикийн тухай хуулийн дагуу үйл ажиллагааг зохицуулах журам, дүрмийг боловсронгуй болгож шинэчлэх.

Энэ зорилтыг хэрэгжүүлснээр дараах үр дүнд хүрнэ. Үүнд:

1. Албан ёсны статистикийн үйл ажиллагаа, ялангуяа хүний нөөц, санхүү, техник технологи, арга зүйн бие даасан, хараат бус байдал бэхэжнэ.
2. Төрийн болон хувийн байгууллагуудын мэдээллийн санг ашиглах, нууцлал хангасан статистикийн мэдээллийн санг ашиглуулах, уялдуулах, холбох эрхтэй болно.
3. Улсын байцаагчийн эрх, үүрэг тодорхой болно.
4. Холбогдох дүрэм, журмыг шинэчлэн боловсруулж, хуулийн хэрэгжилтийг хангана.

6.2.Хүний нөөцийн хөгжлийг хангах зорилтын хүрээнд хийгдэх үйл ажиллагаа

Хүний нөөцийн хөгжлийг хангах зорилт нь статистикийн ажилтнуудыг мэргэшүүлэх сургалтын хөтөлбөрийг хэрэгжүүлэх, ажилтнуудын нийгмийн баталгааг хангаж, тогтвор суурьшилтай ажиллах нөхцөлийг бүрдүүлэхэд чиглэнэ. Энэ зорилтын хүрээнд дараах үйл ажиллагааг хэрэгжүүлнэ:

6.2.1.Үндэсний статистикийн системд хамаарах байгууллагуудын ажилтнуудыг системтэйгээр сургах сургалтын хөтөлбөр боловсруулж, сургалтын төвийг байгуулах;

6.2.2.Статистикийн салбарын албан хаагчдын нийгмийн асуудал, ажиллах нөхцөл, цалин хөлс, урамшууллыг төрийн захиргааны төв байгууллагуудтай дүйцэх хэмжээнд хүргэх.

Энэ зорилтыг хэрэгжүүлснээр дараах үр дүнд хүрнэ. Үүнд:

1.Үндэсний статистикийн системд хамаарах байгууллагуудын ажилтнуудыг системтэйгээр сургах, тэдний статистикийн мэдлэг, ур чадварыг дээшлүүлэх, ажилтнуудын тогтвор суурьшлыг хангаж, мэдээллийн чанар сайжрах нөхцөл бүрдэнэ.

2.Статистикийн салбарын албан хаагчдын ажиллах нөхцөл, нийгмийн баталгааг хангаснаар ажилтнуудын сэтгэл ханамж, бүтээмж нэмэгдэнэ.

6.3.Дэд бүтцийг сайжруулах зорилтын хүрээнд хэрэгжүүлэх үйл ажиллагаа

Дэд бүтцийг сайжруулах зорилт нь статистикийн болон техник технологийн дэд бүтцийг хөгжүүлэх, мэдээллийн санг холбох, тоног төхөөрөмж, дагалдах программ хангамжийг сайжруулахад чиглэнэ. Энэ зорилтын хүрээнд дараах үйл ажиллагааг хэрэгжүүлнэ. Үүнд:

6.3.1.Нэгдсэн аргачлал, ангилал кодын нэвтрэлт, статистикийн бүртгэлийг сайжруулах;

6.3.2.Мэдээллийн технологийн дэд бүтцийг сайжруулж, мэдээллийн аюулгүй байдлыг хангах.

Энэ зорилтыг хэрэгжүүлснээр дараах үр дүнд хүрнэ. Үүнд:

1.Үндэсний статистикийн системд нэгдсэн стандарт, ангилал код, аргачлалыг нэвтрүүлэх үйл ажиллагаа бүрдэнэ.

2.Төрийн мэдээллийн нэгдсэн санг байгуулах, уялдуулах, сангуудыг харилцан ашиглах нөхцөл бүрдэж, мэдээллийн зөрүүтэй байдал арилна. Төрийн байгууллагуудад

үүсэж байгаа мэдээллийн сангуудыг бүртгэж, чанарыг үнэлж, шаардлага хангасан мэдээллийн сангуудыг статистикийн мэдээллийн сантай холбож, статистикийн зорилгоор ашиглана.

6.4.Статистикийн мэдээллийг эрхлэн гаргах ажиллагааг боловсронгуй болгох зорилтын хүрээнд хэрэгжүүлэх үйл ажиллагаа

Статистикийн мэдээллийг эрхлэн гаргах ажиллагааг боловсронгуй болгох зорилт нь статистикийн бүтээгдэхүүн, үйлчилгээний хүртээмжийг нэмэгдүүлэх, үндэсний статистикийн системийг хөгжүүлэхэд чиглэнэ. Энэ зорилтын хүрээнд дараах үйл ажиллагааг хэрэгжүүлнэ. Үүнд:

6.4.1.Статистикийн үйл ажиллагааны ерөнхий загвар (GSBPM)-ыг нэвтрүүлэх төлөвлөгөө боловсруулж, хэрэгжүүлэх;

6.4.2.Төрийн байгууллагуудын мэдээллийн санг албан ёсны статистикийн мэдээллийг гаргах, шалгах, уялдуулахад ашиглах;

6.4.3.Албан ёсны статистикийн үйл ажиллагааны бүх үе шатанд газарзүйн мэдээллийн системийн ашиглалтыг нэмэгдүүлэх

6.4.4.Их өгөгдлийг албан ёсны статистикийн мэдээллийг гаргах, таамаглал хийхэд ашиглах;

6.4.5.Тогтвортой хөгжлийн зорилгын шалгуур үзүүлэлтүүдийг тооцох, өргөжүүлэх;

6.4.6.Байгаль орчин-эдийн засгийн дансны системийг үе шаттайгаар нэвтрүүлэх;

6.4.7.Статистикийн хэрэглэгчид, ялангуяа бизнес эрхлэгчдийн мэдээллийн хэрэгцээг тодорхойлж, шаардлагатай мэдээллийг бий болгох;

6.4.8.Монгол Улсын Статистикийн тухай хуульд зааснаас гадна холбогдох хууль тогтоомжийн дагуу дараах судалгаа явуулах. Үүнд:

6.4.8.1.Бизнес регистрийн мэдээллийн сангийн чанарыг сайжруулах судалгаа;

6.4.8.2.Хүүхдийн хөдөлмөрийн судалгаа;

6.4.8.3.Ногоон ажлын байрны судалгаа;

6.4.8.4.Жендэрт суурилсан хүчирхийллийн судалгаа;

6.4.8.5.Хэрэглэгчдийн сэтгэл ханамжийн судалгаа;

6.4.8.6.Бизнесийн хандлага, орчны судалгаа;

6.4.8.7.Хүнсний алдагдлын судалгаа;

6.4.8.8.Далд эдийн засгийн судалгаа;

6.4.8.9.Аж ахуйн нэгж, байгууллагын хөрөнгийн зардлын судалгаа;

6.4.8.10.Байгаль орчин-эдийн засгийн дансны системийн хүрээний дэд данснуудыг байгуулахтай холбоотой судалгаа.

6.4.8.11.Аялал, жуулчлалын статистикийн мэдээллийг сайжруулах судалгаа

6.4.8.12. Ардчилсан засаглалын судалгаа

6.4.8.13.Албадан хөдөлмөрийн судалгаа

6.4.8.14.Аж ахуйн нэгжийн үйл ажиллагаанд ковид-19 цар тахлын нөлөөллийг тандах судалгаа;

6.4.9.Нийгэм, эдийн засаг, байгаль орчны үзэгдлүүдийн өөрчлөлт, уялдаа холбоо, харилцан хамаарал, нөлөөллийн шинжилгээ, гүнзгийрүүлсэн, сэдэвчилсэн судалгааны ажлыг өргөжүүлэх;

6.4.10.Статистикийн үйл ажиллагааны ерөнхий загвар (GSBPM)-ыг нэвтрүүлэхтэй холбоотойгоор статистикийн чанарын удирдлагын системийг нэвтрүүлэх;

6.4.11.Статистикийн мета мэдээллийн санг олон улсын байгууллагын үнэлгээний үзүүлэлтийн дагуу баяжуулж, тархаах;

6.4.12.Түүврийг олон улсын арга зүйд нийцүүлэн хөгжүүлж, судалгааны түүврийн хэмжээг үнэлгээ хийж, нэмэгдүүлэх, засаг захиргааны нэгжийн түвшинд мэдээллийг гаргах боломжийг бүрдүүлэх;

6.4.13.Мэдээлэл тархаалтын бодлогын баримт бичгийг боловсронгуй болгож, хэрэгжүүлэх;

6.4.14.Статистикийн мэдээллийн нэгдсэн сан (www.1212.mn)-г сайжруулах;

6.4.15.Хэрэглэгчдэд зориулсан статистикийн сургалтыг өргөжүүлэх;

6.4.16.Үндэсний хэмжээнд байгууллага хоорондын мэдээллийн уялдааг сайжруулахад чиглэсэн хамтын ажиллагааг бэхжүүлэх;

6.4.17.Олон талт болон хоёр талт хамтын ажиллагааг өргөжүүлж, олон улсын статистикийн нийгэмлэгт эзлэх байр суурь, нэр хүндийг өсгөх, төсөл хөтөлбөрийн үр өгөөжийг сайжруулах, статистикийн салбарын чадавхыг бэхжүүлэх.

Энэ зорилтыг хэрэгжүүлснээр дараах үр дүнд хүрнэ. Үүнд:

1.Статистикийн мэдээллийг эрхлэн гаргах технологийн үе шат боловсронгуй болж, одоогийн үе шатыг ахиулж, 4-р үе шатанд хүргэх төлөвлөгөө боловсруулж, хэрэгжүүлнэ.

2.Статистикийн чанарын удирдлагын систем нэвтэрч, ISO-9001 стандартын дагуу бодлогын баримт бичгүүд шинэчлэгдэж, хэрэгжилтийг хангана.

3.Дэлхийн болон үндэсний Тогтвортой хөгжлийн зорилгын шалгуур үзүүлэлтүүдийг тооцох, холбогдох талуудтай хамтран ажиллаж тооцох боломжгүй байгаа үзүүлэлтүүдийн эх үүсвэр тодорхой болно.

4.Бизнес эрхлэгчдэд болон бусад хэрэглэгчдэд хэрэгцээтэй тоо мэдээллийг тодорхойлж, шаардлагатай тоо мэдээллээр хангах боломжтой болно.

5.Их өгөгдлийг албан ёсны статистикийн зорилгоор ашиглах, уялдуулах, таамаглал хийх боломж бүрдэнэ.

6.Судалгааны түүврийн дизайныг сайжруулж, түүврийн хэмжээг нэмэгдүүлснээр үр дүнг засаг захиргааны нэгжийн түвшинд гаргах төлөөлөх чадвар сайжирна.

7.Үндэсний түвшинд байгууллага хоорондын мэдээллийн уялдаа сайжирч, арга зүйн нэгдмэл байдал хангагдаж, мэдээллийн чанар сайжирна.

8.Мета мэдээллийн сан сайжирч, мэдээллийн нээлттэй байдал, хэрэглэгчдийн статистикийн байгууллагад итгэх итгэл нэмэгдэнэ.

9.Олон талт болон хоёр талт хамтын ажиллагаа өргөжсөнөөр олон улсын статистикийн нийгэмлэгт эзлэх байр суурь, нэр хүнд өсөж, төсөл хөтөлбөрийн үр өгөөж дээшилж, статистикийн салбарын чадавх бэхэжнэ.

10.Мэдээлэл тархаалтын шинэлэг хэлбэрүүдийг нэвтрүүлснээр статистикийн хэрэгцээт мэдээллийг тухайн цаг хугацаанд нь шуурхай хүргэж, албан ёсны статистикийн хэрэглээ нэмэгдэнэ.

11.Статистикийн судалгаа шинжилгээний чанар, уялдаа сайжирч, хэрэглэгчид олон төрлийн мэдээллээр хангагдана.

Долоо. Стратегийн зорилгыг хэмжих шалгуур үзүүлэлт, суурь болон зорилтот түвшин, стратеги

Бодлогын баримт бичигт тусгагдсан, болон үндсэн чиг үүргээ хэрэгжүүлэх зорилт	Стратеги /арга зам/	Шалгуур үзүүлэлт	Суурь түвшин	Зорилтот түвшин	Санхүүгийн эх үүсвэр, хэмжээ (сая төг)
Ерөнхий чиг үүрэг -3: Статистикийн салбарын бодлого, хууль, эрх зүй, үйл ажиллагааны тайлагнал, хяналт-шинжилгээ, үнэлгээ.					
Үндсэн чиг үүрэг-6: Хууль тогтоомжийн хэрэгжилтийг хангуулах.					
Зорилт-1. Хууль, эрх зүйн орчныг боловсронгуй болгох	Арга хэмжээ-1 Олон улсын зөвлөмж, сайн туршлагад үндэслэсэн албан ёсны статистикийн бие даасан, хараат бус байдал, үйл ажиллагаатай холбоотой харилцааг зохицуулах өөрчлөлтийг Статистикийн тухай хуульд нэмж оруулах	Хуульд нэмэлт өөрчлөлтийг оруулж, батлуулсан эсэх	Статистикийн тухай хуулийн шинэчилсэн найруулгын төсөлд албан ёсны статистикийн бие даасан байдал, албан ёсны статистикийн зарчмуудыг тусгаж, үзэл баримтлал, урьдчилсан тандан судалгаа хийж, хуулийн эхний төслийг боловсруулсан.	Албан ёсны статистикийн 10 зарчмыг бүрэн тусгасан, статистикийн бие даасан байдал, үйл ажиллагаатай холбоотой харилцааг зохицуулах заалтууд орсон хууль батлагдаж, эрх зүйн орчин бэхэжсэн байна.	Улсын төсөв, 11.0
	Арга хэмжээ-2 Статистикийн тухай хуулийн дагуу үйл ажиллагааг зохицуулах журам, дүрмийг боловсронгуй болгож шинэчлэх	Шинэчилсэн болон шинээр боловсруулсан журам, дүрмийн тоо	Салбарын үйл ажиллагаанд 22 журам, дүрэм мөрдөгдөж байна.	Салбарын үйл ажиллагаанд хэрэгжиж байгаа 22 журам, дүрэмд хяналт шинжилгээ хийж шаардлагатай журам, дүрмийг шинэчлэн батлуулсан байна.	0.0
Ерөнхий чиг үүрэг-4: Төрийн үйлчилгээний чанар, хүртээмжийг дээшлүүлэх, хүний нөөц, санхүү, технологийг үр ашигтай удирдах.					
Үндсэн чиг үүрэг-9: Хүний нөөц, төсөв, санхүү, технологийн болон бусад нөөцийг үр ашигтай удирдах					
Зорилт-2. Хүний нөөцийн	Арга хэмжээ-1 Үндэсний статистикийн системд хамаарах байгууллагуудын	Системийн нийт ажилтнуудаас сургалтад	Системийн нийт ажилтнуудын 95.6% нь хамрагдсан.	Системийн нийт ажилтнуудаас сургалт /сертификаттай/-д	Улсын төсөв, 1.526.3

хөгжлийг хангах	ажилтнуудыг системтэй сургах сургалтын хөтөлбөр боловсруулж, сургалтын төвийг байгуулж ажиллах	/сертификаттай/ хамрагдсан хувь		хамрагдсан хувь 95-аас доошгүй байна.	
	Арга хэмжээ-2 Статистикийн салбарын албан хаагчдын нийгмийн асуудал, ажиллах нөхцөл, цалин хөлс, урамшууллыг төрийн захиргааны төв байгууллагуудтай дүйцэх хэмжээнд хүргэх	Цалингийн зөрүү хувиар, Байгууллагын албан хаагчдаас орон сууцтай болох, орон сууцаа сайжруулахад дэмжлэг авсан албан хаагчдын тоо	ҮСХ-ны ажилтны үндсэн цалин төрийн захиргааны төв байгууллагын албан хаагчдын үндсэн цалингаас 23.3 хувиар бага байна. Орон сууцтай болох, орон сууцаа сайжруулахад дэмжлэг авсан албан хаагч байхгүй.	ҮСХ-ны ажилтны үндсэн цалин төрийн захиргааны төв байгууллагын албан хаагчдын үндсэн цалингийн түвшинд хүрсэн байна. Орон сууцтай болох, орон сууцаа сайжруулахад дэмжлэг авсан албан хаагчдын тоо 40-өөс доошгүй байна.	Улсын төсөв, Цалин 2.913.0 Нийгмийн асуудал шийдвэрлэхэд 281.6

Ерөнхий чиг үүрэг -1: Албан ёсны статистикийн үйл ажиллагааг нэгдсэн удирдлага, зохицуулалтаар хангах.

Үндсэн чиг үүрэг-1: Албан ёсны статистикийн үйл ажиллагааг мэргэжлийн төвлөрсөн удирдлагаар хангах, боловсронгуй болгох арга хэмжээ авах.

Үндсэн чиг үүрэг-9: Хүний нөөц, төсөв, санхүү, технологийн болон бусад нөөцийг үр ашигтай удирдах

Зорилт-3. Дэд бүтцийг сайжруулах	Арга хэмжээ-1 Нэгдсэн аргачлал, ангилал, код, статистикийн бүртгэлийг сайжруулан мөрдүүлэх	Үйл ажиллагааны төлөвлөгөөнд тусгасан аргачлал, ангиллууд бүрэн батлагдаж, мөрдөгдсөн эсэх	а.Аргачлалын тоо /мөрдөгдөж байгаа/ - 68 б.Ангиллын тоо /мөрдөгдөж байгаа/ - 15	Үйл ажиллагааны төлөвлөгөөнд тусгасан аргачлал, ангиллууд бүрэн батлагдаж, мөрдөгдсөн байна.	0.0
	Арга хэмжээ-2 Мэдээллийн технологийн дэд бүтцийг сайжруулж, мэдээллийн аюулгүй байдлыг хангах	1.Дата төвийн хүчин чадал 2.Нөөц дата төв бий болсон эсэх	1.ҮСХ-ны дата төв нь нийт 25 сервертэй, нийт багтаамж нь 200TB, санах ойн хэмжээ 4500GB. 2.Нөөц дата төвгүй.	1.Дата төвийн хүчин чадал 2 дахин нэмэгдсэн байна. 2.Нөөц дата төвтэй болсон байна.	Зээл тусламж, улсын төсөв, 5.315.0

Ерөнхий чиг үүрэг -1: Албан ёсны статистикийн үйл ажиллагааг нэгдсэн удирдлага, зохицуулалтаар хангах.

Ерөнхий чиг үүрэг -2: Албан ёсны статистикийн мэдээллийг эрхлэн гаргах.

Үндсэн чиг үүрэг-1: Албан ёсны статистикийн үйл ажиллагааг мэргэжлийн төвлөрсөн удирдлагаар хангах, боловсронгуй болгох арга хэмжээ авах.

Үндсэн чиг үүрэг-2: Статистикийн мэдээллийг цуглуулах.

Үндсэн чиг үүрэг-3: Статистикийн мэдээллийг нэгтгэн боловсруулах, тооцоо, шинжилгээ судалгаа хийх.

Үндсэн чиг үүрэг-4: Статистикийн мэдээллийг олон нийтэд хүргэх, тархаах.

Үндсэн чиг үүрэг-5: Статистикийн мэдээллийн чанарыг дээшлүүлэх.

Зорилт-4 Статистикийн мэдээллийг эрхлэн гаргах ажиллагааг боловсронгуй болгох	Арга хэмжээ-1 Статистикийн үйл ажиллагааны ерөнхий загвар (GSBPM)-ыг нэвтрүүлэх төлөвлөгөө боловсруулж, хэрэгжүүлэх	Төлөвшлийн 4-р үе шатад хүрсэн эсэх	Тус загварыг нэвтрүүлэх бэлэн байдлыг үнэлэх олон улсын нийтлэг үнэлгээний асуулгыг ашиглан үнэлгээ хийсэн. Үнэлгээгээр статистикийн үйл ажиллагааны ерөнхий загварын нэвтрэлт 1-р үе буюу "Анхан шатны ойлголт мэдэгдэхүүнтэй байгаа үе" шатад байна.	Статистикийн мэдээллийг эрхлэн гаргах технологийн арга ажиллагаа (процесс) боловсронгуй болж, одоо байгаа төлөвшлийн үе шатыг ахиулж, 4-р үе шатанд буюу байгууллагын хэмжээний нэвтрэлтийн үе шатанд шилжсэн байна.	0.0
	Арга хэмжээ-2 Төрийн байгууллагуудын мэдээллийн санг албан ёсны статистикийн мэдээллийг гаргах, шалгах, уялдуулахад ашиглах	10.Албан ёсны статистикийн мэдээллийг боловсруулах, уялдуулах, шалгахад ашигласан сангуудын тоо	Нийгмийн даатгалын ерөнхий газрын даатгал төлөгч аж ахуйн нэгж, байгууллагын бүртгэлийн мэдээллийн сан, Улсын бүртгэлийн ерөнхий газрын иргэн, хуулийн этгээдийн мэдээллийн сан, Татварын ерөнхий газрын НӨАТУС, Гаалийн ерөнхий газрын Гаалийн мэдүүлгийн сан гэсэн 5 санг холбосон.	Холбогдох төрийн байгууллагуудын мэдээллийн санг үнэлж, статистикийн үндсэн мэдээллийн сантай холбосон байна.	Гадаадын зээл тусламж, улсын төсөв 32,140.5
	Арга хэмжээ-3 Албан ёсны статистикийн үйл ажиллагааны бүх үе шатанд газар зүйн мэдээллийн системийн ашиглалтыг нэмэгдүүлэх	Үйл ажиллагааны бүх үе шат (төлөвлөлт, мэдээлэл цуглуулалт, дүн шинжилгээ, тархаалт)-нд нь газар зүйн мэдээллийн систем	Хүн ам, орон сууцны тооллого болон Байшин орон сууцны тооллого зохион байгуулах бүх үе шатанд газар зүйн мэдээллийн системийг ашигласан.	Тайлант хугацаанд хуулиар заасан тооллого, судалгааг зохион байгуулах бүх үе шатанд газар зүйн мэдээллийн систем бүрэн ашигласан байна.	0.0

		ашигласан тооллого, судалгааны тоо			
	Арга хэмжээ-4 Их өгөгдлийг албан ёсны статистикийн мэдээллийг гаргах, таамаглал хийхэд ашиглах	Их өгөгдлийг ашиглан албан ёсны статистикийн мэдээлэл гаргадаг эсэх	2020 оны 1 сараас эхлэн дотоод худалдааны улирлын мэдээг НӨАТ санг ашиглан сараар гарган тархааж байна.	Албан ёсны статистикийн мэдээллийг гаргах, таамаглал хийхэд их өгөгдлийг ашигладаг болсон байна.	Зээл тусламж, улсын төсөв, 140.0
	Арга хэмжээ-5 Тогтвортой хөгжлийн зорилгын шалгуур үзүүлэлтүүдийг тооцож, тархаах	Тооцож тархаах үзүүлэлтийн тоо	Дэлхийн ТХЗ-ын 247 үзүүлэлтээс 132 /53.4 хувь/ нь гарч байна.	Дэлхийн ТХЗ-ын 247 үзүүлэлтээс хамгийн багадаа 161/ 65 хувь/ нь гарсан байна.	0.0
	Арга хэмжээ-6 БОЭЗДС-ийг үе шаттайгаар нэвтрүүлэх	Шинээр байгуулсан дэд данснуудын тоо	Эрчим хүчний биет урсгалын данс, Байгаль орчны татварын данс, Материал урсгалын данс, Байгаль орныг хамгаалах зардал гэсэн 4 дансыг байгуулж, үр дүнг тархаасан.	Агаар дахь ялгаруулалтын данс, Хатуу хог хаягдлын данс, Усны биет урсгалын данс, ХАА, ойн аж ахуй, загасны аж ахуйн данс, Газрын данс, Ойн данс, Усны хөрөнгийн данс, Байгалийн нөөц ашиглалт, менежмент гэсэн 8 дансыг байгуулсан байна.	0.0
	Арга хэмжээ-7 Статистикийн хэрэглэгчид, ялангуяа бизнес эрхлэгчдийн мэдээллийн хэрэгцээг тодорхойлж, шаардлагатай тоо мэдээллийг бий болгох	Хэрэглэгчдийн мэдээллийн хэрэгцээг тогтмол тодорхойлж байгаа эсэх	Хэрэглэгчийн сэтгэл ханамжийн судалгааг 2 жил тутамд явуулж, хэрэгцээг тодорхойлдог.	Хэрэглэгчдийн эрэлт ихтэй салбар, сэдэвчилсэн судалгааг тодорхойлж, хэрэгцээтэй байгаа мэдээлэл, үзүүлэлтийн жагсаалтыг салбар бүрээр нарийвчлан гаргадаг болсон байна.	Улсын төсөв, 36.0
	Арга хэмжээ-8 Дараах 14 төрлийн судалгааг явуулах. Үүнд:	14 төрлийн судалгааг зохион байгуулсан хувь	14 төрлийн судалгааны 7 нь өмнө зохион байгуулсан бол 7 нь шинээр зохион байгуулж явуулах юм.	14 төрлийн судалгааг 100 хувь төлөвлөсөн хугацаанд зохион байгуулж, үр дүнгийн	3950.5

			тайланг боловсруулан, тархаасан байна.	
8.1.Бизнес регистрийн мэдээллийн сангийн чанарыг сайжруулах судалгаа	Судалгааны үр дүнгийн тайлан тархаасан эсэх	Бизнес регистрийн мэдээллийн сангийн чанарыг сайжруулах судалгааг 2 удаа явуулсан.	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Улсын төсөв, 57.5
8.2.Хүүхдийн хөдөлмөрийн судалгаа	Судалгааны үр дүнгийн тайлан тархаасан эсэх	3 удаагийн хүүхдийн хөдөлмөр эрхлэлтийн судалгааг ОУХБ-ын санхүү, техникийн дэмжлэгтэйгээр 2011-2012 онд зохион байгуулж, үр дүнгийн тайланг боловсруулан тархаасан.	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Улсын төсөв, 441.5
8.3.Ногоон ажлын байрны судалгаа	Судалгааны үр дүнгийн тайлан тархаасан эсэх	2014, 2016 онд ногоон ажлын байрны судалгааг зохион байгуулж, үр дүнгийн тайланг боловсруулан тархаасан.	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Улсын төсөв, 158.5
8.4.Жендэрт суурилсан хүчирхийллийн судалгаа	Судалгааны үр дүнгийн тайлан тархаасан эсэх	"Жендэрт суурилсан хүчирхийллийн судалгаа"-г зохион байгуулж, үр дүнгийн тайланг боловсруулан тархаасан.	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Олон улсын байгууллагын тусламж 2.000.0
8.5.Хэрэглэгчдийн сэтгэл ханамжийн судалгаа	Судалгааны үр дүнгийн тайлан тархаасан эсэх	"Хэрэглэгчийн сэтгэл ханамжийн судалгаа-2018"-г "Хөгжил зууч ХХК"-тай байгуулсан ажил гүйцэтгэх гэрээний дагуу 2018 онд нийт 600 хэрэглэгчийг хамруулан зохион байгуулж, тайланг боловсруулан тархаасан.	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Улсын төсөв, 80.0
8.6.Бизнесийн хандлага, орчны судалгаа	Судалгааны үр дүнгийн тайлан	Бизнесийн хандлага, орчны судалгааг явуулж үр	Судалгааг төлөвлөсөн хугацаанд зохион	Улсын төсөв, 126.1

		тархаасан эсэх	дүнгийн тайланг боловсруулан тархаасан.	байгуулж, үр дүнгийн тайланг боловсруулан тархаана.	
	8.7.Хүнсний алдагдлын судалгаа	Судалгааны үр дүнгийн тайлан тархаасан эсэх	-	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Улсын төсөв, гадаадын зээл, тусламж 313.5
	8.8.Аялал, жуулчлалын статистикийн мэдээллийг сайжруулах судалгаа	Судалгааны үр дүнгийн тайлан тархаасан эсэх	-	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Улсын төсөв, 100.0
	8.9.Далд эдийн засгийн судалгаа	Судалгааны үр дүнгийн тайлан тархаасан эсэх	ҮСХ нь 2015-2018 онд далд эдийн засгийн суурь судалгааг зохион байгуулж, үр дүнгийн тайланг боловсруулан, тархаасан.	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Гадаадын зээл, тусламж 120.4
	8.10.Аж ахуйн нэгж байгууллагын хөрөнгийн зардлын судалгаа	Судалгааны үр дүнгийн тайлан тархаасан эсэх	Аж ахуйн нэгж байгууллагын хөрөнгийн зардлын судалгааг 2010 онд зохион байгуулж үр дүнгийн тайланг боловсруулан, тархаасан.	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Улсын төсөв, 162.5
	8.11.БОЭЗДС-ийн хүрээний дэд данснуудыг байгуулахтай холбоотой судалгаа	Судалгааны үр дүнгийн тайлан тархаасан эсэх	-	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Улсын төсөв, 277.5
	8.12.Ардчилсан засаглалын судалгаа	Судалгааны үр дүнгийн тайлан тархаасан эсэх	Ардчилсан засаглалын судалгааг тогтмол зохион байгуулж үр дүнгийн тайланг боловсруулан, тархаасан.	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Улсын төсөв, 25.0

	8.13.Албадан хөдөлмөрийн судалгаа	Судалгааны үр дүнгийн тайлан тархаасан эсэх	-	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Тодорхойгүй
	8.14.Аж ахуйн нэгжийн үйл ажиллагаанд ковид-19 цар тахлын нөлөөллийг тандах судалгаа	Судалгааны үр дүнгийн тайлан тархаасан эсэх	-	Судалгааг төлөвлөсөн хугацаанд зохион байгуулж, үр дүнгийн тайланг боловсруулан тархаана.	Гадаадын зээл, тусламж 88.0
	Арга хэмжээ-9 Нийгэм, эдийн засаг, байгаль орчны үзэгдлүүдийн өөрчлөлт, уялдаа холбоо, харилцан хамаарал, нөлөөллийн шинжилгээ, гүнзгийрүүлсэн, сэдэвчилсэн судалгааны ажлыг өргөжүүлэх.	Нийт шинжилгээ судалгаанд гүнзгийрүүлсэн шинжилгээ судалгааны эзлэх хувь	Нийт боловсруулж, тархаасан судалгаа шинжилгээний ажлын 29.3 хувь нь гүнзгийрүүлсэн шинжилгээ судалгаа байна.	Гүнзгийрүүлсэн шинжилгээ судалгааг нийт шинжилгээ судалгааны ажлын 50-аас багагүй хувьд хүргэсэн байна.	Улсын төсөв, гадаадын зээл, тусламж 346,5.0
	Арга хэмжээ-10 Статистикийн үйл ажиллагааны ерөнхий загвар (GSBPM)-ыг нэвтрүүлэхтэй холбоотойгоор статистикийн чанарын удирдлагын системийг нэвтрүүлэх	Гарч байгаа чанарын шалгуур үзүүлэлтийн тоо, дэд үе шатаар	-	Статистикийн үйл ажиллагааны ерөнхий загварын процесс бүрт хамаарах нийт шалгуур үзүүлэлтийг тодорхойлж, үүний 70-аас багагүй хувийг гаргасан байна.	0.0
	Арга хэмжээ-11 Статистикийн мета мэдээллийн санг олон улсын байгууллагын үнэлгээний үзүүлэлтийн дагуу баяжуулж, тархаах	Мета мэдээллийн чанар, хамралт, мэдээллийн нээлттэй байдлаар ОУ-д эзлэх байр	Open Data Watch (ODW) ашгийн бус байгууллагаас үндэсний статистикийн байгууллагуудын мэдээллийн хамрах хүрээ, нээлттэй байдалд хийсэн 2020/21 оны үнэлгээгээр	Open Data Watch (ODW) ашгийн бус байгууллагаас хийдэг үнэлгээгээр дэлхийд эзлэх байр 1-ээр урагшилсан байна.	0.0

			Монгол Улс статистикийн мэдээллийн хамрах хүрээ, нээлттэй байдлаараа 78 оноо авч, дэлхийд 9, 3үүн Азид 1-р байр эзэлсэн байна.		
	Арга хэмжээ-12 Түүврийг олон улсын арга зүйд нийцүүлэн хөгжүүлж, судалгааны түүврийн хэмжээг нэмэгдүүлж, засаг захиргааны нэгжийн түвшинд мэдээллийг гаргах боломжийг бүрдүүлэх	Үр дүнг тооцох түвшин (улс, бүс, аймаг/нийслэл)-гийн нарийвчлалыг ахиулсан эсэх	ӨНЭЗС-ны түүврийн дизайныг 2012 онд, АХС-ны түүврийн дизайныг 2019 онд шинэчилсэн.	ҮСХ-ноос улсын хэмжээнд тогтмол явуулдаг судалгаанд панел судалгааны дизайн ашиглаж, судалгааны түүврийн дизайныг шинэчлэн, тархаах түвшинг нэмэгдүүлсэн байна.	Улсын төсөв, олон улсын байгууллагын тусламж 200.0
	Арга хэмжээ-13 Мэдээлэл тархаалты бодлогын бичиг баримтыг боловсронгуй болгож, хэрэгжүүлэх	Холбогдох бичиг баримт шинэчлэгдсэн эсэх	Мэдээлэл тархаалтын ажиллагааг журамласан 4 бичиг баримттай.	Мэдээлэл тархаалтын бодлого сайжирч, нийт зорилтот болон байнгын хэрэглэгчийн тоог нэмэгдүүлсэн байна.	0.0
	Арга хэмжээ-14 Статистикийн мэдээллийн нэгдсэн сан (www.1212.mn)-г сайжруулах	Мэдээллийн санд хандалтын тоо	Статистикийн нэгдсэн мэдээллийн сан 1212.mn давхардсан тоогоор 1,247,315 хэрэглэгч хандсан.	Мэдээллийн санд хандах хэрэглэгчдийн тоог жилд дунджаар 5 хувиар нэмэгдүүлсэн байна.	0.0
	Арга хэмжээ-15 Хэрэглэгчдэд зориулсан статистикийн сургалтыг өргөжүүлэх	Хэрэглэгчдэд зориулсан статистикийн сургалтын тоо, төрлөөр	Хэрэглэгчдэд чиглэсэн (танхимын 3, цахим 3) 6 удаагийн сургалтыг явуулж нийт 200 хэрэглэгчийг хамруулсан.	Сургалтын хөтөлбөрийн дагуу жилд 2-4 удаа, нэг удаад 20-30 хэрэглэгчдэд цахим сургалт явуулсан байна.	Улсын төсөв, гадаадын зээл, тусламж 108.5
	Арга хэмжээ-16 Үндэсний хэмжээнд байгууллага хоорондын мэдээллийн уялдааг сайжруулахад чиглэсэн	Маягт, зааврыг боловсронгуй болгох чиглэлээр хамтран ажилласан	Төрийн байгууллагуудтай хамтран ажиллаж, 130 маягт, зааврыг зөвшөөрч, 70 маягт, зааврыг батлан мэдээ, тайланг авч байна.	Төрийн байгууллагуудын шаардлагатай маягт, зааврыг боловсронгуй болгон шинэчилсэн байна.	0.0

	хамтын ажиллагааг бэхжүүлэх	эсэх			
	Арга хэмжээ-17 Олон талт болон хоёр талт хамтын ажиллагааг өргөжүүлж, олон улсын статистикийн нийгэмлэгт эзлэх байр суурь, нэр хүндийг өсгөх, төсөл хөтөлбөрийн үр өгөөжийг сайжруулах, статистикийн салбарын чадавхыг бэхжүүлэх	Чадавх бэхжүүлэх сургалтад хамрагдсан ажилтнуудын тоо	Олон улсын болон бүс нутгийн хэмжээнд зохион байгуулагдсан 330 удаагийн сургалт, семинар, арга хэмжээнд 326 албан хаагч олон улсын болон донор байгууллагын санхүүжилтээр оролцож мэдлэг чадвараа дээшлүүлж, туршлага судалсан	Олон улсын болон бүсийн хэмжээнд зохион байгуулагдах сургалт, семинар, арга хэмжээнд 300 гаруй албан хаагчийг олон улсын болон донор байгууллагын санхүүжилтээр оролцуулж, мэдлэг чадварыг дээшлүүлсэн байна.	Улсын төсөв, олон улсын байгууллагын тусламж 712.1

Найм. Стратегийн зорилго ба салбар, нутаг дэвсгэрийн нэгж,
байгууллагын бүтцийн уялдаа, зураглал

